



Peter Olsen  
Inatsisartunut Ilaasortaq, Inuit Ataqtigiit

27-01-2021  
Sagsnr. 2021-1253  
Akt nr. 15827038

Postboks 1029  
3900 Nuuk  
Tlf: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

## Ullukinneq pillugu § 37 naapertorlugu apeqqutip nr. 007/2021-p akineqarnera

Asasara Peter Olsen

Inatsisartut suleriaasiat napertorlugu apeqquteqaatinnut qjanaq. Apeqqutigineqartut tullinnguuttuni akissuteqarfigineqassapput.

**Apeqqutigineqartoq 1:** *Suliniutit suut iliuuserisalluunniit maannamut Naalakkersuisut ingerlassimavaat Inatsisartut aalajangiussaamut EM2018/166 malillugu ullukinnerup pisortatigoortumik nalliussineqatalernissaanik atulersitsinissaq pillugu?*

**Akissut:** Inatsisartut aalajangiinerat malitseqartitsinissamik immikkut pisussaaffiliingilaq.

§ 37 nr. 202/2020-mut akissuteqarnermi taaneqareersutut ulloq pisortatigoortumik erfasumik amusinermik malunnartinneqartarpoq.

Taassuma saniatigut ullormi tassani innuttaasunut pilluaqqusissummik Naalakkersuisut nassiussipput.

**Apeqqutigineqartoq 2:** *Naalakkersuisut pilersaarutigivaat avammut tusagassiinertigut, ussassaarinertigut allatigulluunniit peqatigiiffiit kattuffiit allallu ilisimatitsisallugit tapiissutinik qinnuteqarsinnaanermik ullukinnerup nalliuttorsiutigineqarnissaanut Namminersorlutik Oqartussat Tipsernermut Lottornermiit tapiissutigineqartartunit?*

**Akissut:** Sullissivik aqqutigalugu Naalakkersuisut ussassaarisarput, sioqqutsisumillu ullunik paasisitsiniaaffinnik aqqqissuisarlutik ilaatigut Namminersorlutik Oqartussat Tipsernermit lottornermillu aningaasaataannit tapiiffigineqarnissamut qinnuteqarnissamullu periarfissat pillugit.

Ullunik malunnartitsinissamut aningaasanik peqatigiiffiit aamma kattuffiit il.il. qinnuteqarfigisinnaasaannik immikkoortitsisoqarneq ajorpoq. Naalakkersuisut taamaattumik isumaqanngillat pissusissamisussasooq aningaasat qinnuteqarfiissat

pillugit ussassaarinermit ullunik malunnartitsinerit immikkoortinneqassasut aamma  
ersersinniarneqassasut.

Ullut malunnartinniarneqartut eqqorlugit taamatullu aaqqissuinerit, soorlu 21. junimi  
aaqqissorneqartartut atussanerlugit peqatigiiffiit aamma kattuffiit il.il. namminneq  
isummatik naapertorlugit tamakkuninnga aaqqissuisassasut Naalakkersuisut  
isumaqarput.

**Apeqqutigineqartoq 3:** *Naalakkersuisut pilersaaruteqarpat kommunenut  
kaammattuummik saaffiginnissuteqassanerlutik, kommunet eqqarsaatersuuteqarnersut  
ullukinneq malunnartinniarlugu innuttanut nalliuttorsiutigineqartalissanersoq?*

**Akissut:** Ulloq malunnartinneqartartoq "ullukinneq" pillugu immikkut  
saaffiginnissuteqarnissamik Naalakkersuisut immikkut pilersaaruteqanngillat.

**Apeqqutigineqartoq 4:** *Naalakkersuisut pilersaaruteqarpat sulisartut kattuffiit  
saaffiginnissuteqassanerlutik paasititsinissaq siunertarlugu, ullukinneq massakkut  
pisortatigoortumik atuutilerikuummat, Kalaallit Inuiattut Ullorsiortarfiat naligalugu?*

**Akissut:** Takuuk apeqqutigineqartumut 3-mut akissut.

**Apeqqutigineqartoq 5:** *Naalakkersuisut eqqarsaatersuutigivaat ullukinnerup  
nalliuttorsiutiginnissanut malunnartitsinissamillu ilaatigut suliniutinik  
ersarinnerulersitsinissamik?*

**Akissut:** Piffissami aggersumik kulturi pillugu isumasioqatigiinnissami pineqartup  
ilanngunneqarnissaa Naalakkersuisut isumaliutigaat. Kulturi pillugu  
isumasioqatigiinnissaq 2020-mi septemberip aallartinnerani pisussatut  
pilersaarusiorneqarsimagaluarpoq, piffissamilli allamik taasaqarnani  
kinguartinneqartariaqarsimavoq nunarsuarmi tamarmi coronamik nappaalaneq  
pissutigalugu.

Inussiarnersumik

  
Katti Frederiksen